

IRAKI ERASOTZEKO ASMOA. Saddam Hussein boteretik kentzeko prestakuntzak aurrera daramatza Washingtonek. George Bushen gobernuak nazioarteko komunitatearen laguntza izango duela esan du, baina ez du argitu hori zein herritatik helduko zaion.

NBE baztertu eta gerra hasteko prest dira AEBak eta «dozena bat herrialde»

Bagdadi erasotzeko Powellek ez du ezinbestekotzat jotzen Segurtasun Kontseiluaren beste ebazpen bat



EPA / SWISS IMAGE

Colin Powell Davosera iristen foroan mintzatzeko. Suitzan NBEn rola gutxietsi du berriro ere AEBetako Estatu idazkariak.

UNMOVIC-EN TXOSTENA

UNMOVICek bihar aurkeztuko du Iraken armei buruzko txostena; lana «arreta handiz» aztertuko du Powellek

baina ebazpen berririk gabe ere gurekin izango dira», adierazi zuen Powellek.

Bihar, UNMOVICen txostena

UNMOVIC Nazio Batuen Egiaztatze, Ikuskatze eta Kontrolerako Batzordeak bihar aurkeztuko du Iraken armamenduari buruz prestatu duen txostena. Lan hori «arreta handiz» aztertzeko Segurtasun Kontseiluko kide guztien ordezkariekin mintzatu da Powell, horren ondoren «hartu beharreko neurriak hartzeko». Asteartean George Bush Nazioaren Egoerari buruzko Hitzaldian mintzatu da, zeinaren ardatza Irak izango den.

AEBetako Gobernuak iturriek agertu dutenez, agerraldian Iraken kontrako akusazioak berretsiko ditu Bushen, hau da, Bagdad suntsipen handiko armak pilatzen ari dela. Energia Atomikoaren Nazioarteko Agentziaren arabera, Irakek armamendu atomikorik duela esateko frogarik ez dago.

Gerra hotsak gero eta ozengoa badira ere, ez dirudi hori segituan gertatuko denik. Nahiz AEBek «dozena bat herriren sostengua» duten, horien balio kualitatiboa eta kuantitaboa ez dira oso handiak. Washingtonek soilik Erresuma Batua du alde Segurtasun Kontseiluan; Frantzia, Txina eta Errusia kritikoko ageri dira. AEBak, bestalde, bat datoz arma ikuskatzaileen lana luzatzearekin, baina ez daude ados UNMOVICek lana biribiltzeko aurreikusitako epearekin: batzordeak urtebete behar lukeela esan du; AEBek, aldez, ez dute lan hori «lau edo bost hilabete gehiago luzatzeko interesik», atzo bertan Washingtonek esan zuenez.

Jose Mari Pastor | DONOSTIA

Washingtonek Iraken kontra bultzatu nahi duen kanpaina militarra bide onean doa, antza. Horixe iradoki zuen atzo AEBetako Estatu idazkari Colin Powell Davosen, Suitzako hirian egiten ari den Munduko Ekonomia Foroaren bileran. Powellen arabera, AEBen ahalleginek nazioarteko komunitateak gerrarekin bat egin dezan sostengua ekarri diete. Eraso beharrezkoa dela pentsatuz gero, Washingtonek aurrera egingo du, NBE Nazio Batuen Erakundeko Segurtasun Kontseiluaren ebazpen berri batekin, edo ebazpenik gabe.

George Bush presidentearen ordezkariak AEBen unilateralismo politiko-militarraren doctrina aieratu zuen berriro ere, eta horrela nazioarteko erakundearen rola gutxietsi.

GERRAREN KONTRAKO EKIMENAK

Giza ezkutu egoteko taldea joan da Bagdadera

Bakearen aldeko nazioarteko taldeen ordezkariak Bagdaderantz irten ziren atzo Iraken kontrako eraso gertatzekotan giza ezkutuak izateko. Bakezaleak ehunka dira, gehienak europarrak. Taldea Londrestik abiatu zen Erresuma Batuko bi estaiko autobus gorri eta taxi beltz tipikoetan, eta Frantzia, Herbehereak, Alemania, Suitza, Bosnia eta Turkia zeharkatuko ditu Iraken sartu aurretik.

Hark esan zuenez, AEBek dozena bat estaturen sostengua dute, «gutxienez», Golkon beste gerra bat pizteko. Estatu idazkariak ez zuen argitu nahi izan aliatuak zein dituen. «Ez diuzet izenik esan nahi, baina ez gaude bakarrik, hori segurua

da. Buruz dozena bat herrialderen izenak esateko moduan nago, eta uste dut beste batzuk ere badaudela», azaldu zuen. AEBek eta herrialde horiek guztiek Nazio Batuen Erakundeko Segurtasun Kontseiluak bigarren ebazpen bat hitzartzea

Ekimena duela hilabete eskas sortu zuen Ken Nichols O'Keefe *marine* estatubatuarrek *Giza ezkutuak, justizia, bakea eta egia* izenarekin, Irakeko gera geldiarazten laguntzeko. O'Keefek Golkoko Gerrako beteranoa da, eta 1999. urtean uko egin zion herritartasun estatubatuarri Washingtonen atzerri politikaren kontra protestatzeko. Soldadu ohiak gose greba hasiko du Iraken.

Guztira 10.000 giza ezkutu lortzea espero dute ekimenaren antolatzaileek. «Horixe da kopuru egokiena helburua lortzeko. 50 edo 60 lagunekin ez dugu ezer ere lortuko», adierazi du O'Keefek.

«nahiago» zutela esan zuen arren, Powellek argi utzi zuen baldintza hori ez dela ezinbestekoa izango Bagdaden kontrako erasoari ekiteko. «Gure aldean badira herrialde batzuk, eta horiek NBEn erresoluzio berria nahiago dutela esan dute,